

VENDIM
Nr. 1144, datë 24.12.2020

**PËR PËRDORIMIN E FONDIT TË RINDËRTIMIT PËR FINANCIMIN E
RINDËRTIMIT TË OBJEKTIT “ATRIUM CENTER THUMANA”, NJËSIA
ADMINISTRATIVE THUMANË, BASHKIA KRUIJË, DHE CAKTIMIN E
BASHKISË KRUIJË SI NJËSI ZBATUESE**

(Ndryshuar me vendimin nr. 410, datë 15.6.2022)

(I përditësuar)

Në mbështetje të nenit 100 të Kushtetutës, të neneve 13, shkronja “b”, nënndarjet “i” dhe “iii”, 16, dhe 36, të aktit normativ nr. 9, datë 16.12.2019, të Këshillit Ministrave, “Për përballimin e pasojave të fatkeqësisë natyrore”, miratuar me ligjin nr. 97/2019, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, dhe të ligjit nr. 88/2019, “Për buxhetin e vitit 2020”, të ndryshuar, me propozimin e ministrit të Shtetit për Rindërtimin, Këshilli i Ministrave

VENDOSI:

1. Përdorimin e fondit të rindërtimit, për financimin e rindërtimit të objektit “*Atrium Center Thumana*”, Njësia Administrative Thumanë, Bashkia Krujë, në vlerën 220 210 898 (dyqind e njëzet milionë e dyqind e dhjetë mijë e tetëqind e nëntëdhjetë e tetë) lekë pa TVSH.

2. Përdorimi i fondit të rindërtimit, miratuar për vitin 2020, për financimin e rindërtimit të objektit “*Atrium Center Thumana*”, Njësia Administrative Thumanë, Bashkia Krujë, të jetë në vlerën 44 042 180 (dyzet e katër milionë e dyzet e dy mijë e njëqind e tetëdhjetë) lekë pa TVSH dhe të përballohet nga shpenzimet e fondit të rindërtimit.

2/1. Përdorimin e fondit të rindërtimit, për vitin 2022, nga Bashkia Krujë, për rindërtimin e objektit “*Atrium Center Thumana*”, Njësia Administrative Thumanë, Bashkia Krujë, në masën 176 168 718 (njëqind e shtatëdhjetë e gjashtë milionë e njëqind e gjashtëdhjetë e tetë mijë e shtatëqind e tetëmbëdhjetë) lekë pa TVSH, i cili do të përballohet nga hapësira buxhetore e siguruar pas ngurtësimit në të njëjtën masë të fondeve të projekteve të rindërtimit me ecuri të ngadaltë dhe i transferohet Bashkisë Krujë, në formën e transfertës së pakushtëzuar.

3. Caktimin e Bashkisë Krujë si njësi zbatuese për rindërtimin e objektit “*Atrium Center Thumana*”, njësia administrative Thumanë, Bashkia Krujë.

4. Fondi për financimin e rindërtimit të objektit arsimor “*Atrium Center Thumana*” i transferohet në formën e transfertës së pakushtëzuar njësisë zbatuese, Bashkisë Krujë.

5. Ngarkohen ministri i Shtetit për Rindërtimin, Ministria e Financave dhe Ekonomisë dhe Bashkia Krujë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTËR
Erion Braçe